



Službeni glasnik

GRADA GRADAČAC

Službeni glasnik izlazi po potrebi	BROJ 7/22 GRADAČAC Petak, 22.07.2022.god.	"Službeni glasnik" izdaje Gradsko vijeće Gradačac. Za izdavača: Mustafa H.Ađulović predsjedavajući Gradskog vijeća. Štampa: "EKEprint" Gradačac
---------------------------------------	--	---

Ispravka tehničke greške u "Službenom glasniku Grada Gradačac" broj 6/22

U "Službenom glasniku Grada Gradačac", broj 6/22, objavljenom 23.06.2022. godine, vrši se ispravka tehničke greške u Odluci o organizaciji i djelokrugu rada službi za upravu i stručnih službi Grada Gradačac, broj: 01-04-199/22, od 23.06.2022. godine i to u članu 17. na početku 175. stranice riječ „ZAKLJUČAK“ se briše.

SEKRETAR
JEDINSTVENOG ORGANA
dipl.iur. Emina Turbić, s.r.

1.

Na osnovu člana 13. stav 2. alineja 12. Zakona o principima lokalne samouprave u Federaciji BiH („Službene novine Federacije BiH“ broj, 49/06 i i 51/09), člana 6. stav 1. tačka 14. Statutarne odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“, broj 1/19) i člana 11. stav 4. Statuta Općine Gradačac („Službeni glasnik Općine Gradačac“, broj: 4/08, 5/12, 1/17, 5/18 i 8/18) koji se primjenjuje na osnovu člana 22. stav 2. Statutarne odluke o organizaciji Grada Gradačac u skladu sa Zakonom o Gradu Gradačac, Gradsko vijeće Gradačac, na 17. redovnoj sjednici sjednici, održanoj 22.07.2022. godine, donosi

ODLUKU **o priznanjima i nagradama Grada Gradačac**

I - OSNOVNE ODREDBE

Član 1.

Ovom Odlukom utvrđuju se priznanja i nagrade Grada Gradačac (u daljem tekstu: priznanja i nagrade), u cilju javnog isticanja zahvalnosti za

učinjenu dobrobit pojedinaca, ustanova, preduzeća i drugih pravnih lica u odbrani domovine, razvijanju demokratije, podsticanju pojedinačnih i zajedničkih inicijativa i stvaralaštva u svim oblastima života i rada od općeg društvenog interesa, te se utvrđuju vrste priznanja i nagrada, kriteriji, postupak predlaganja, donošenja odluke i dodjele priznanja i nagrade, njihov sadržaj, izgled, te postupak opoziva priznanja i nagrade.

Član 2.

Priznanja i nagrade Grada Gradačac su:

1. Zlatni grb Grada, sa novčanom nagradom od 2.000,00 KM – (jedno priznanje)
2. Plaketa "Zlatni zmaj" sa novčanom nagradom od 1.000,00 KM – (dva priznanja)
3. Počasni građanin – (jedno priznanje)
4. Zahvalnica Grada Gradačac.

Član 3.

Priznanja i nagrade iz člana 2. ove Odluke mogu se dodjeljivati pravnim ili fizičkim licima, državljanima drugih zemalja, prijateljskim gradovima, međunarodnim organizacijama, organizacijama i ambasadama drugih država ili njihovim tijelima.

II - USLOVI ZA DODJELU PRIZNANJA I NAGRADA

Član 4.

Zlatni grb Grada je najviše gradsko priznanje koje se dodjeljuje onda kada se za to steknu uslovi.

Zlatni grb Grada dodjeljuje se za najviša dostignuća, doprinos i postignute rezultate u odbrani Gradačca, oblastima nauke, privrede, prosvjete, kulture, umjetnosti, sporta, zdravstva, socijalne zaštite, spašavanja ljudi i imovine, unapređenje i afirmaciju demokratije, tolerancije, kulture dijaloga i drugih oblasti i uslova života u Gradačcu ili pojedinim njegovom dijelovima, te afirmaciju ugleda grada Gradačac u Bosni i Hercegovini i inostranstvu.

Član 5.

Plaketa "Zlatni zmaj" dodjeljuje se za:

- dokazanog pobornika i borca u stvaranju države Bosne i Hercegovine;
- uloženi rad kojim se bitno utiče na rezultate u oblastima od posebnog društvenog interesa;
- zalaganje i rad kojim se stekao autoritet, ugled i priznanje na području grada Gradačac;
- moralne vrijednosti koje služe kao primjer rada, saradnje i tolerancije;
- dosljednost, upornost i beskompromisnost u borbi za ostvarivanje demokratskih odnosa na području grada;
- ispoljenu izuzetnu hrabrost i požrtvovanje u pružanju pomoći u prirodnim i drugim nepogodama;
- iskazanu izuzetnu građansku hrabrost, solidarnost, humanost i altruizam;
- naročit doprinos razvoju i učvršćivanju međunarodne ekonomske, naučne, kulturne, sportske i druge saradnje između Grada Gradačac i drugih gradova, država i međunarodnih organizacija.

Član 6.

„Počasni građanin“ je priznanje koje se dodjeljuje građaninu Bosne i Hercegovine koji nije istovremeno i građanin grada Gradačac ili stranim državljanima koji se svojim angažmanom zalažu za dobrobit i ugled grada Gradačac kao cjeline.

Počasnim građaninom može se proglasiti osoba, državnik ili dužnosnik druge države, član međunarodne organizacije, odnosno organizacije druge države ili njihovih tijela, posebno zaslužna za:

- promoviranje i razvoj grada Gradačac ili pojedinih njegovih djelatnosti;
- razvoj međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima,
- unapređenje položaja i ugleda grada Gradačac, njegovih odnosa sa drugim gradovima u zemlji i inostranstvu;
- naročit doprinos razvoju i učvršćivanju međunarodne ekonomske, naučne, kulturne, sportske i druge saradnje između grada Gradačac i drugih gradova, država i međunarodnih organizacija.

Član 7.

Zahvalnica Grada Gradačac je priznanje koje se dodjeljuje domaćim i stranim, fizičkim i pravnim licima za humanitarne aktivnosti, izgradnju civilnog društva, doprinos razvoju, izgradnji i unapređenju uslova života u oblastima od općeg značaja na području grada Gradačac, kao i za uspješnu saradnju, te za doprinos ugledu grada Gradačac.

Zahvalnica se može dodjeliti kao znak zahvalnost i odavanja priznanja i u povodu jubileja fizičkih i pravnih lica, za konkretan uspjeh i poduhvat na području grada Gradačac.

Zahvalnica se može dodjeljivati u toku cijele godine, bez raspisivanja javnog konkursa, odlukom Gradonačelnika.

Gradonačelnik je dužan najmanje jedan put godišnje da podnese izvještaj Gradskom vijeću o dodijeljenim zahvalnicama.

Član 8.

Dobitnicima priznanja i nagrade iz člana 2. tačka 1. ove Odluke ne može se po istom osnovu dodjeliti priznanja i nagrade iz tačke 2. ili tačke 3. istog člana.

III - SADRŽAJ I IZGLED PRIZNANJA I NAGRADA**Član 9.**

Priznanje "Zlatni grb Grada" je četverouglastog oblika, dimenzija 12 x 15 cm sa plavom plišanom podlogom i zlatnim grbom Grada Gradačac u sredini.

Uz priznanje „Zlatni grb Grada“ dodjeljuje se novčana nagrada u vrijednosti od 2000,00 KM.

Član 10.

Plaketa "Zlatni zmaj" je dimenzija 19,5 x 29,5 cm, gdje je na čvrstoj podlozi, boje zlata, ispod zaglavlja i grba Grada, ugraviran lik zmaja, te naziv "Zlatni zmaj" a ispod je ime i prezime sa kraćim tekstom iz koje oblasti života i rada se dodjeljuje priznanje.

Uz priznanje „Zlatni zmaj“ dodjeljuje se novčana nagrada u vrijednosti do 1000,00 KM.

Član 11.

Počasnom građaninu uručuje se priznanje u obliku Povelje.

Priznanje „Počasni građanin“ Grada Gradačac sadrži: u gornjem dijelu u lijevom uglu grb Grada Gradačac, sa tekstom „Bosna i Hercegovina, Federacija Bosne i Hercegovine, Tuzlanski kanton, GRAD GRADAČAC“ centriranom na vrhu stranice formata A3.

Ispod teksta iz stava 2. ovog člana, ispisuje se sledeći tekst: „Gradsko vijeće Gradačac dodjeljuje Priznanje“.

Na sredini Priznanja je tekst "Počasni građanin", ispod kojeg se navodi ime i prezime lica kome se priznanje dodjeljuje.

Ispod teksta iz stava 4. ovog člana navodi se za šta se konkretno Priznanje dodjeljuje.

U donjem lijevom uglu je simulacija pečata Grada Gradačac ispod koje je oznaka broja odluke, datuma i mjesta, a u donjem desnom uglu je potpis Predsjedavajućeg Gradskog vijeća.

Član 12.

Zahvalnica se dodjeljuje u obliku diplome formata A4 u povezu tvrdih korica, a izgled se prilagođava svakoj konkretnoj situaciji.

IV – POSTUPAK PREDLAGANJA, DONOŠENJA ODLUKE O DODJELI PRIZNANJA I NAGRADA

Član 13.

Gradsko vijeće Gradačac dodjeljuje priznanja i nagrade iz člana 2. tačka 1., 2. i 3. ove Odluke.

Postupak dodjele priznanja i nagrada provodi Komisija za priznanja i nazive Gradskog vijeća Gradačac (u daljem tekstu: Komisija).

Član 14.

Komisija je dužna najkasnije do 1. avgusta tekuće godine u kojoj se priznanja i nagrade dodjeljuju, uputiti javni poziv za podnošenje prijedloga (u daljem tekstu: javni poziv), sa rokom do kojeg se prijedlozi za priznanja i nagrade mogu podnositi, a koji ne može biti kraći od 30 dana od dana objavljivanja.

Javni poziv objavljuje se na web stranici Grada Gradačac, Radiju Gradačac i info panou Grada Gradačac.

Član 15.

Prijedloge za dodjelu priznanja i nagrada iz člana 2. tačka 1., 2. i 3. ove Odluke, odnosno isticanje kandidature, mogu podnositi građani pojedinci, boračke organizacije i udruženja, udruženja građana, nevladine organizacije, vjerske zajednice, privredna društva, javne ustanove, mjesne zajednice, klubovi vijećnika političkih stranaka-partija zastupljenih u Gradskom vijeću i Gradonačelnik.

Član 16.

Prijedlog iz predhodnog člana ove Odluke, podnosi se Komisiji, putem Stručne službe Gradskog vijeća, u pisanom obliku i sadrži:

1. Podatke o podnosiocu prijedloga;
2. Vrsta priznanja ili nagrade za koju se kandidat predlaže;
3. Podaci o kandidatu za dodjelu priznanja ili nagrade (ime i prezime, biografija za fizička lica, te naziv i osnovni podaci o pravnom licu i njegovom djelovanju);
4. Obrazloženje nominacije.

Član 17.

Po isteku roka za podnošenje prijedloga Komisija, na temelju uvida u podnesene prijedloge, vrši ocjenu formalne ispravnosti prijedloga s aspekta sadržaja i roka podnošenja.

Izuzetno, ukoliko Komisija utvrdi da nije dostavljen dovoljan broj prijedloga po kojima se može odlučiti, rok za podnošenje prijedloga može se produžiti.

Prijedlozi koji budu podneseni izvan roka za podnošenje ili budu nepotpuni u pogledu sadržaja, neće se razmatrati.

Komisija utvrđuje da li podnešeni prijedlog ispunjava sve uslove za predloženo priznanje i nagradu te, ukoliko ne ispunjava, a ispunjava uslove za drugo priznanje i nagradu, isti može, uz saglasnost predlagača, usmjeriti za eventualno dobijanje drugog priznanja i nagrade iz člana 2. tačka 1., 2. i 3. ove Odluke.

Komisija utvrđuje Prijedlog odluke o dodjeli priznanja i nagrada sa obrazloženjem i istu dostavlja Gradskom vijeću na razmatranje i usvajanje. Obrazloženje iz predhodnog stava, pored ostalih elemenata, obavezno sadrži listu kandidata čiji prijedlozi su od strane Komisije ocijenjeni kao formalno ispravni.

Gradsko vijeće može izmijeniti Prijedlog odluke iz stava 5. ovog člana samo predlaganjem kandidata sa liste kandidata iz predhodnog stava, odnosno kandidata za kojeg je dostavljen prijedlog u toku trajanja javnog poziva i čiji prijedlog je od strane Komisije ocijenjen kao formalno ispravan.

V - OPOZIV PRIZNANJA I NAGRADA

Član 18.

Priznanja i nagrade dodijeljeni u skladu sa ovom Odlukom, mogu se opozvati.

Priznanja i nagrade će se opozvati:

- a) ako je nosilac priznanja, odnosno nagrade pravosnažnom sudskom presudom osuđen od Međunarodnog suda za ratne zločine počinjenje na teritoriji bivše Jugoslavije,

b) ako nosilac priznanja, odnosno nagrade svojim ponašanjem, javnim istupom ili govorom djeluje protivustavno i podriiva sverenitet i teritorijalni integritet Bosne i Hercegovine ili na neki drugi način narušava ugled i dignitet grada Gradačac i Bosne i Hercegovine.

Član 19.

Opoziv priznanja, odnosno nagrada vrši se na prijedlog Komisije, odlukom Gradskog vijeća.

VI - OSTALE ODREDBE

Član 20.

Stručna služba Gradskog vijeća vodi evidenciju o dodijeljenim priznanjima i nagradama.

Službi iz predhodnog stava dostavlja se Odluka iz člana 7. stav 3. ove Odluke u roku od 7 dana od dana dodjeljivanja iste, radi evidencije.

Član 21.

Iznos sredstava za realizaciju novčanih nagrada koje slijede uz dodijeljena priznanja, kao i sredstva za izradu priznanja obezbijedit će se u budžetu Grada Gradačac, za svaku budžetsku godinu.

Član 22.

Uručenje priznanja iz člana 2. tačka 1., 2. i 3. ove Odluke vrši se na Svečanoj sjednici Gradskog vijeća koja se organizuje u povodu 22. oktobra – Dana Grada Gradačac.

Član 23.

Priznanje, odnosno nagrada može se dodijeliti fizičkim licima i posthumno.

Član 24.

Stupanjem na snagu ove Odluke, prestaje da važi Odluka o općinskim priznanjima „Službeni glasnik Općine Gradačac“ broj 7/06.

Član 25.

Ova Odluka stupa na snagu danom objavljivanja u „Službenom glasniku Grada Gradačac“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -

Broj:01-04-232/22
Datum: 22.07.2022.god.
G r a d a č a c

PREDSJEDAVALA
GRADSKOG VIJEĆA
Mustafa H. Adulović, s.r.

2.

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09) i člana 3. Odluke o općim uslovima, postupku i kriterijima za ostvarivanje prava na stipendiju Grada Gradačac („Službeni glasnik Grada Gradačac“, broj 11/21) Gradsko vijeće Grada Gradačac, na prijedlog Gradonačelnika, na 17. redovnoj sjednici održanoj 22.07.2022. godine, donosi

O D L U K U

o broju stipendija, novčanom iznosu stipendija i broju rata za školsku/akademsku 2022/23. godinu

Član 1.

Ovom Odlukom se utvrđuje broj stipendija, novčani iznos stipendija i broj rata za stipendiranje učenika i studenata za školsku/akademsku 2022/23. godinu.

Član 2.

Iznos stipendije za učenike je 800,00 KM (osamstotina) u isplatama od 8 rata x 100,00 KM.

Iznos stipendije za studente je 1.200,00 KM (hiljaduidvijestotine) u isplatama od 8 rata x 150,00 KM.

Član 3.

Broj stipendija koje se dodjeljuju za školsku/akademsku 2022/23. godinu, shodno članu 8. Odluke o općim uslovima, postupku i kriterijima za ostvarivanje prava na stipendiju Grada Gradačac, po kategorijama je sljedeći:

Kategorija 1: 9 stipendija

Učenicima generacije osnovnih i srednjih škola ako su nastavili redovno školovanje

Kategorija 2:10 stipendija

Studenti sa ostvarenom prosječnom ocjenom u prethodnoj akademskoj godini 9:00 i više

Kategorija 3: 20 stipendija

Studenti I godine studija/ bruceši

Kategorija 4: 30 stipendija

Studenti II do VI godine dodiplomskog studija i I ciklusa bolonjskog sistema studiranja.

Kategorija 5: 36 stipendija

Studenti iz porodica korisnika boračko-invalidske zaštite: (30 stipendija za studente od II do VI godine, 6 stipendija za studente I godine-bruceše)

Kategorija 6: 11 stipendija

Učenici srednjih škola i studenti iz socijalno ugroženih porodica:

- a) korisnici stalne socijalne pomoći
- b) djeca bez oba roditelja,
- c) djeca na porodičnom/domskom smještaju,
- d) učenici/studenti iz romskih porodica,
- e) djeca sa nekim oblikom invaliditeta.

Član 4.

Ukupan iznos sredstava koje je potrebno obezbijediti za stipendiranje u školskoj/akademskoj 2022/23. godini u Budžetu Grada Gradačac za 2023. godinu iznosi **134.000,00 KM.**

Odluka	Br.stipendija-učenici	Pojedinačni iznos isplate	Br.stipendija-studenti	Pojedinačni iznos	Ukupni iznos po kateg.
Kategorija I	7	800,00	2	1.200,00	8.000,00
Kategorija II			10	1.200,00	12.000,00
Kategorija III			20	1.200,00	24.000,00
Kategorija IV			30	1.200,00	36.000,00
Kategorija V			36	1.200,00	43.200,00
Kategorija VI	6	800,00	5	1.200,00	10.800,00
UKUPNO	13		103		134.000,00

Član 5.

Ova Odluka stupa na snagu danom donošenja, a objaviće se u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj: 01-04-233/22
Datum: 22.07.2022.god.
G r a d a č a c

**PREDSJEDAVAJUĆI
GRADSKOG VIJEĆA**
Mustafa H. Adulović, s.r.

3.

Na osnovu člana 8. i člana 13. stav 2. tačka 9. Zakona o principima lokalne samouprave u FBiH („Službene novine FBiH“, broj 49/06 i 51/09) i na osnovu člana 6. stav 1. tačka 11. Statutarne odluke o organizaciji grada Gradačac u skladu sa Zakonom o Gradu Gradačac („Službeni glasnik Grada Gradačac“, broj 1/19), Gradsko vijeće Grada Gradačac na prijedlog Gradonačelnika, na 17. redovnoj sjednici održanoj 22.07.2022. godine, donosi

ODLUKU

o dopuni Odluke o nazivima i označavanju ulica, trgova i poslovnih zona i označavanju objekata brojevima na području grada Gradačac broj: 01-04-315/21 od 28.09.2021. godine

Član 1.

U Odluci o nazivima i označavanju ulica, trgova i poslovnih zona i označavanju objekata brojevima na području Grada Gradačac, koju je usvojilo Gradsko vijeće Grada Gradačac na 8. redovnoj sjednici održanoj dana 28.09.2021. godine pod brojem: 01-04-315/21, vrši se dopuna člana 5. na način da se dodaje novi stav pod rednim brojem (7) koji glasi:

„Sva pravna lica čija su sjedišta, odnosno poslovne jedinice registrovani na području grada Gradačac, kod kojih je ovom Odlukom došlo do izmjene naziva ulice, dužna su u roku ne dužem od 12 (dvanaest) mjeseci od dana završetka projekta predviđenog Odlukom da izvrše usklađivanje svoje poslovne dokumentacije pri nadležnim regulatornim tijelima.“

Ostali dio Odluke ostaje nepromijenjen.

Član 2.

Ova Odluka stupa na snagu danom donošenja a biti će objavljena u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće-**

**Broj: 01-04-234/22
Datum: 22.07.2022.god.
G r a d a č a c**

**PREDSJEDAVALA
GRADSKOG VIJEĆA
Mustafa H. Ađulović, s.r.**

4.

Na osnovu člana 4. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13), člana 64. stav 1., 7. i 8. Zakona o predškolskom odgoju i obrazovanju Tuzlanskog kantona („Službene novine Tuzlanskog kantona“ broj 10/20 i 5/22), člana 6. stav 1. tačka 19. Statutarne odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“, broj: 1/19), na prijedlog Komisije za izbore i imenovanja, Gradsko vijeće Gradačac na 17. sjednici održanoj 22.07.2022. godine, donosi

RJEŠENJE

o imenovanju Upravnog odbora Javne ustanove Dječije obdanište „Kolibri“ Gradačac do okončanja procedure po javnom oglasu a najduže do 90 dana od dana imenovanja

I

U Upravni odbor Javne ustanove Dječije obdanište „Kolibri“ Gradačac imenuju se:

1. Hodžić Asim, predsjednik
2. Sinanović Ervada, član
3. Rabić Sanela, član
4. H.Mehmedović Samira, član
5. Hećimović Amil, član

II

Upravni odbor iz tačke I ovog Rješenja imenuje se do okončanja procedure po Javnom oglasu za izbor i imenovanje kandidata na pozicije u Upravnom odboru u Javnoj ustanovi Dječije obdanište „Kolibri“ Gradačac, a najduže do 90 dana.

III

Ovo Rješenje stupa na snagu danom donošenja i objavit će se u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

**Broj: 01-04-235/22
Datum: 22.07.2022.god.
G r a d a č a c**

**PREDSJEDAVALA
GRADSKOG VIJEĆA
Mustafa H. Ađulović, s.r.**

5.

Na osnovu člana 2.12 stav 6. u vezi sa članom 2.2 stav 2. i članom 2.15 stav 1. Izbornog zakona Bosne i Hercegovine ("Službeni glasnik BiH" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14, 31/16, 41/20 i 38/22), članom 11. stav 2. i članom 13. stav 1. tačka d) Uputstva o utvrđivanju kvalifikacija, broju, imenovanju, obuci i razrješenju članova Izborne komisije osnovne izborne jedinice u Bosni i Hercegovini ("Službeni glasnik BiH" broj: 1/22 i 13/22), člana 6. stav 1. tačka 19. i tačka 27. Statutarne odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac" broj:1/19) a u vezi sa Izjavom o odustanku od mjesta zamjenskog člana Gradske izborne komisije Gradačac broj: 01-04-207- 1/22 od 13.07.2022. godine, na prijedlog Komisije za izbore i imenovanja, Gradsko vijeće Grada Gradačac na 17. redovnoj sjednici održanoj dana 22.07.2022. godine donosi

RJEŠENJE

o razrješenju zamjenskog člana Gradske izborne komisije Gradačac

I

Razrješava se dužnosti člana Gradske izborne komisije Gradačac Ramo Beširović zbog odustajanja od mjesta zamjenskog člana te Komisije.

II

Ovo Rješenje stupa na snagu danom donošenja i objavit će se u "Službenom glasniku Grada Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće-**

Broj:01-04-236/22
Datum: 22.07.2022.god.
Gradačac

**PREDSJEDAVALA
GRADSKOG VIJEĆA
Mustafa H. Adulović, s.r.**

6.

Na osnovu člana 2.15 stav 2. Izbornog zakona Bosne i Hercegovine ("Službeni glasnik BiH" broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 17/14, 31/16, 41/20 i 38/22), člana 11. stav 2., u vezi sa članom 13. stav 2. Uputstva o utvrđivanju kvalifikacija, broju, imenovanju, obuci i razrješenju članova Izborne komisije osnovne izborne jedinice u Bosni i Hercegovini ("Službeni glasnik BiH" broj: 1/22 i 13/22), člana 6. stav 1. tačka 19. Statutarne odluke o organizaciji Grada Gradačac u skladu sa Zakonom o Gradu Gradačac ("Službeni glasnik Grada Gradačac" broj:1/19) a u vezi sa Ostavkom člana Gradske izborne komisije Grada Gradačac broj: 01-04- 180/22 od 06.06.2022. godine, na prijedlog Komisije za izbore i imenovanja, Gradsko vijeće Grada Gradačac na 17. redovnoj sjednici održanoj dana 22.07.2022. godine donosi

RJEŠENJE

o imenovanju zamjenskog člana Gradske izborne komisije Gradačac

I

Gradsko vijeće Grada Gradačac imenuje Nihadu Zelinkić za zamjenskog člana Gradske izborne komisije Gradačac.

II

Imenovanom članu Gradske izborne komisije Gradačac mandat traje do izbora novog člana po postupku propisanom članom 2.12 stav 5. Izbornog zakona Bosne i Hercegovine.

III

Ovo Rješenje stupa na snagu danom davanja saglasnosti na imenovanje od strane Centralne izborne komisije Bosne i Hercegovine, shodno članu 2.12 stav 8. Izbornog zakona Bosne i Hercegovine i članu 11. stav 2. i članu 13. stav 2. Uputstva o utvrđivanju kvalifikacija, broju, imenovanju, obuci i razrješenju članova Izborne komisije osnovne izborne jedinice u Bosni i Hercegovini.

IV

Ovo Rješenje bit će objavljeno u "Službenom glasniku Grada Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
-Gradsko vijeće-**

Broj: 01-04-237/22
Datum: 22.07.2022. god.
Gradačac

**PREDSJEDAVALA
GRADSKOG VIJEĆA
Mustafa H. Adulović, s.r.**

7.

Na osnovu člana 120. stav 2. Poslovnika o radu Općinskog vijeća Gradačac (Prečišćen tekst- „Službeni glasnik Općine Gradačac“ broj: 3/14, 6/15 i 2/19, i „Službeni glasnik Grada Gradačac“ broj 2/20) koji se primjenjuje na osnovu člana 15. stav 1. Statutarne odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“, broj 1/19), na prijedlog Komisije za Statut i opća akta Gradskog vijeća, Gradsko vijeće Grada Gradačac na 17. redovnoj sjednici održanoj 22.07.2022. godine, donosi

AUTENTIČNO TUMAČENJE

člana 141. Poslovnika o radu Općinskog vijeća Gradačac

(Prečišćeni tekst- „Službeni glasnik Općine Gradačac“ broj: 3/14; 6/15 i 2/19, i „Službeni glasnik Grada Gradačac“ broj 2/20)

1. Sredstvima javnog informisanja, odnosno predstavnicima sredstava javnog informisanja iz člana 141. Poslovnika o radu Općinskog vijeća Gradačac (Prečišćen tekst- „Službeni glasnik Općine Gradačac“ broj: 3/14; 6/15 i 2/19, i „Službeni glasnik Grada Gradačac“ broj 2/20) smatraju se ovlaštene medijske kuće koje su registrovane za obavljanje djelatnosti u skladu sa važećim propisima iz te oblasti u Bosni i Hercegovini, odnosno osobe iz registrovanih medija koje imaju odobrenje za rad izdato od strane nadležnog organa.

2. Ovo autentično tumačenje primjenjuje se i važi od dana primjene odredbe člana 141. Poslovnika o radu Općinskog vijeća Gradačac (Prečišćen tekst- „Službeni glasnik Općine Gradačac“ broj: 3/14; 6/15 i 2/19, i „Službeni glasnik Grada Gradačac“ broj 2/20) i objavit će se u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj: 01-04-238/22 **PREDSJEDAVALJUĆI**
Datum: 22.07.2022.god. **GRADSKOG VIJEĆA**
Gradačac **Mustafa H. Adulović, s.r.**

8.

Na osnovu člana 13. stav 2. alineja 18. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09), člana 6. stav 1. tačka 27. Statutarne odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“, broj 1/19), i člana 124. Statuta Općine Gradačac („Službeni glasnik Općine Gradačac“, broj: 4/08, 5/12, 1/17, 5/18 i 8/18) koji se primjenjuje na osnovu člana 22. stav 2. Statutarne odluke o organizaciji Grada Gradačac u skladu sa Zakonom o Gradu Gradačac, Gradsko vijeće Grada Gradačac, na 17. redovnoj sjednici, održanoj 22.07.2022. godine, razmatrajući nacrt Zakona o privremenom korištenju javnih površina na području Tuzlanskog kantona, donosi

ZAKLJUČAK

I

Gradsko vijeće Grada Gradačac nema primjedbi na nacrt Zakona o privremenom korištenju javnih površina na području Tuzlanskog kantona.

II

Ovaj zaključak će biti dostavljen Ministarstvu prostornog uređenje i zaštite okolice Tuzlanskog kantona a objavit će se u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj: 01-04-239/22 **PREDSJEDAVALJUĆI**
Datum: 22.07.2022.god. **GRADSKOG VIJEĆA**
Gradačac **Mustafa H. Adulović, s.r.**

S A D R Ź A J
“Službenog glasnika Grada Gradačac”, broj 7/22

ISPRAVKA TEHNIČKE GREŠKE

u “Službenom glasniku Grada Gradačac” broj 6/22

AKTI GRADSKOG VIJEĆA SA 17. REDOVNE SJEDNICE ODRŽANE 22.07.2022. G.

1. Odluka o priznanjima i nagradama Grada Gradačac	195
2. Odluka o broju stipendija, novčanom iznosu stipendija i broju rata za školsku/akademsku 2022/23. godinu	198
3. Odluka o dopuni Odluke o nazivima i označavanju ulica, trgova i poslovnih zona i označavanju objekata brojevima na području grada Gradačac broj: 01-04-315/21 od 28.09.2021. godine	200
4. Rješenje o imenovanju UO JU Dječije obdanište “Kolibri” Gradačac do okončanja procedure po javnom oglasu a najduže do 90 dana od dana imenovanja	200
5. Rješenje o razrješenju zamjenskog člana Gradske izborne komisije Gradačac	201
6. Rješenje o imenovanju zamjenskog člana Gradske izborne komisije Gradačac	201
7. Autentično tumačenje člana 141. Poslovnika o radu Općinskog vijeća Gradačac	202
8. Zaključak po nacrtu Zakona o privremenom korištenju javnih površina na području Tuzlanskog kantona.	202